

Broj: 02B-6344-<sup>34</sup>/24  
Datum: 17.10.2024. godine

Na osnovu člana 69. stav 1. tačka b) Zakona o javnim nabavkama („Službeni Glasnik BiH“, broj 39/14, 59/22 i 50/24) i Obavještenja, broj: 02D-12982/24 od 15.10.2024. godine, u postupku javne nabavke roba – Prehrambeni artikli za ishranu pacijenata (hrana), direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** o poništenju postupka javne nabavke

#### **Član 1.**

Poništava se postupak javne nabavke roba Prehrambeni artikli za ishranu pacijenata (hrana) JN-51/24, za LOT 15 – Suhi proizvodi od mesa, iz razloga što je jedini i prihvatljivi ponuđač u predmetnom postupku odustao od svoje ponude.

#### **Član 2.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), u skladu sa članom 70. stav (6) Zakona o javnim nabavkama („Službeni Glasnik BiH“, broj 39/14, 59/22 i 50/24).

#### **Član 3.**

Ova Odluka stupa na snagu danom donošenja.

Stupanjem na snagu ove Odluke, stavlja se van snage stav (6) člana 1. Odluke o izboru najpovoljnijeg ponuđača, broj: 02B-6344-23/24 od 30.09.2024. godine, kojim se okvirni sporazum za nabavku roba: Prehrambeni artikli za ishranu pacijenata (hrana), LOT 15 – Suhi proizvodi od mesa dodjeljuje ponuđaču IM SEMIĆ d.o.o. Visoko.

### **Obrazloženje**

Nakon provedenog postupka javne nabavke roba: Prehrambeni artikli za ishranu pacijenata (hrana), dana 30.09.2024. godine donesena je Odluka o izboru najpovoljnijeg ponuđača, broj: 02B-6344-23/24. Predmetnom Odlukom okvirni sporazum za nabavku roba: Prehrambeni artikli za ishranu pacijenata (hrana), LOT 15 – Suhi proizvodi od mesa dodjeljuje se ponuđaču IM SEMIĆ d.o.o. Visoko.

Nakon što je ponuđač zaprimio Odluku, uputio je Obavještenje, broj: 02D-12982/24 dana 15.10.2024. godine kojim je obavijestio Ugovorni organ da odustaje od svoje ponude broj: 259AA/2024 od 02.09.2024. godine, dostavljene u postupku nabavke roba: Prehrambeni artikli za ishranu pacijenata (hrana), LOT 15 – Suhi proizvodi od mesa. Razlog odustajanja od ponude je poremećaj cijena na tržištu i povećanje cijena žive stoke, stoga nisu u mogućnosti ispoštovati ponuđene cijene.


U skladu sa navedenim, odlučeno je kao u dispozitivu ove Odluke.


**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo i ista se podnosi u najmanje 3 (tri) primjerka.

Pripremila:

Aldijana Ećo Ajkunić, BA prava  
šef Odsjeka za javne nabavke





**DIREKTOR**  
Prof. dr. Ismet Gayrankapetanović

**DOSTAVITI:**

- IM SEMIĆ d.o.o. Visoko, Industrijska zona Ozrakovići bb, 71 300 Visoko
- Odsjek za javne nabavke
- Odjeljenje za ekonomsko finansijske poslove